



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmvla Casvvm Conscientiae De Sacramentis


Gretser, Jacob
Ingolstadii, 1611

Lectori.

urn:nbn:de:hbz:466:1-40295



LECTORI.


Um nuper post quinquennij cessationem ad publicam docendi functionem reuocatus essem, & ut iam rude potius donandus, quam nouo onere onerandus, relicta Scholastica Theologia, in qua docenda multos annos posueram, minus negotiosam Casuum Conscientiæ professionē accepissem, statim dispicere cœpi, qua ratione consequi possem, ut non tantum de Auditoribus meis in Auditorio, sed & de aliis, dum hoc stadium decurro, bene mererer. Et quia fortè fortuna accidit, ut is, cui in Cathedra succedebam, lampadem in Questionib. de Sacramentis mihi traderet, operæpretium me facturum existimaui, si de eodem argumento, ex Luthero, Caluino & Beza præcipuè, Summulam quandam Casuum conficerem, cuius consilij triplex suppetebat caussa, quarū una, quòd viderem,

pluri-

plurimas exstare Summas & Summulas; nullã autem ex tribus predictis concinnatam; cum tamen mundus hisce Cafistis nullos habuerit aut resolutiores, aut mirabiliores: Et forsã neq; habiturus sit. Nullus nodus tam innodatus est, quem non aut soluendo, aut secãdo aut rumpendo enodent. Nullus Angelus, nullus Sylvester, nullus Caietanus, multo minus Fumus, aut Tabiena, aut Rosella his aquam porrigat.

Altera caussa fuit meus in Prædicantes amor, quibus, ut alias semper, ita & hoc labore gratum facere studui, potissimum ruricolis & syluicolis, quos vasta Lutheri, Caluini & Bezae volumina euoluere plerunque paupertas vetat, qua impediti de victu potius sibi & liberis comparando, quàm de libris mercandis cogitant. Hanc iacturam diligenti & assidua Summula huius lectione resarcire poterunt, notabili fructu; quod malo eos ipso usu & experimento, quàm mea prædicatione discere.

Denique ob Catholicos quoque hoc, quidquid est, opera, capere volui; & eorum enim interest nosse, qua leuitate & impietate Hæresiar-
chæ

che isti, & qui illos sectantur; sacratissima Religionis Christiana mysteria & Symbola tractet. Quam profanè, quam ludicre, ne dicã, scenicè & histrionicè de iis scribant, & loquatur; quãquã inconstanter modò hoc, modò illud, vacillantis & febricitantis sui cerebri phasma & phãtasma, imperitis pro puro puto Dei verbo, plũbum videlicet pro auro obryzo obtrudant.

Tu, mi Lector, lege, & tanta impietatis architectos totis viribus detestare; Et quoties sua placita ingerunt; tu & singulis sigillatim, & uniuersis uniuersim ingere & occine illud *Dungali*, antiqui scriptoris, contra *Claudium Taurinensem*. Qualis & quanta est insana elatio & vana temeritas, vt quod à primæuo tempore per annos fermè DCCCXX. (tot annierant vsque ad *Dungali* etatem; hodie propè alteri tanti) à sanctis & beatissimis Patribus, & religiosissimis postmodum Principib. ad gloriam & laudem DEI in Ecclesiis, & in quibuslibet Christianorum domibus fieri concessum, constitutum & iussum est, vnus homo blasphemare, reprehendere, conculcare, proiicere, ac sufflare

C

præ-

præsumat? quasi in tanto iam dicto spatio nullus sic sanctus, vel sapiens in Ecclesia DEI extitisset auctor; qui tam ardentissimum in corde suo zelum, vel subtilissima ū haberet intellectū, sicut iste, qui audet oppugnare, quod cæteri, quasi formidolosi, ausi non sunt: vel vituperare, quod alij esse vituperandum, quasi stulti non intellexerunt.

APPROBATIO R. P. PROVINCIALIS.

Hoc Opusculum ex Lutero, Caluino & Beza præcipuè, à P. Iacobo Gretsero collectum, & à deputatis ad id Patribus visum & approbatum, Ego THEODORICVS BVSÆVS Societatis IESV per superiorem Germaniam Prouincialis, potestate mihi facta ab admodum R. P. N. CLAVDIO AQUAVIVA Societatis IESV Præposito Generali typis mandari permitto. In cuius fidem hoc Auctori testimonium mea manu subscriptum & sigillo munitum dedi. Ingolstadij, Anno Christi M. DC. XLVIII. Ianuarij.

THEODORVS BVSÆVS.

ELE-